



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

KEREITI YA 12

SESOTHO PUO YA LAPENG (HL)

PAMPIRI YA 3 (P3)

PUDUNGWANA 2023

TATAISO YA HO TSHWAYA

MATSHWAO: 100

Tataiso ena ya ho tshwaya e na le maqephe a 11.

KAROLO YA A: MOQOQO**Dintlha tsa tataiso tsa moqoqo****1.1 Nako ya phomolo le boikgutso ya fetoha masisapelo!**

Mofuteng ona wa moqoqo, mongodi o pheta pale kapa o pheta diketsahalo tse etsahetseng nakong ya phomolo le boikgutso tse fetohileng masisapelo.

Dikahare tse ka lebellwang e ka ba tsena tse latelang:

- Mohlahlobuwa a qoqe mme a bontshe diketsahalo tse neng di etsahala nakong ya phomolo, tse tlisitseng masisapelo.

[50]**1.2 Batswadi ba lokela ho tseba bahlankana/dikgarebe tsa bana ba bona.**

Moqoqong ona mohlahlobuwa o lokela ho fana ka mabaka ao ka ona a dumelang hore batswadi ba lokela ho tseba bahlankana/dikgarebe tsa bana ba bona. Ka lehlakoreng le leng mohlahlobuwa a ka nna a hanana le sehloho sena.

Dikahare tse ka lebellwang e ka ba tsena tse latelang:

- Mohlahlobuwa a qoqe ka kamoo ho tseba mohlankana/kgarebe ya ngwana wa hao ho ka bang molemo kateng.
- Mohlahlobuwa a ka kgodisa mmadi ka mabaka a hore na hobaneng ha batswadi ba sa lokela ho tseba bahlankana/dikgarebe tsa bana ba bona.

[50]**1.3 Lekgetlo la ka la pele la ho iswa sepetelele ka lebaka la ho kula.**

Moqoqong ona mohlahlobuwa o lokela ho re qoqela ka ho hlaka mme a bolele se ileng sa etsahala ha a tla iphumana a le sepetelele lekgetlong leo la pele.

Dikahare tse ka lebellwang e ka ba tsena tse latelang:

- Mohlahlobuwa a qolle ketsahalo e le nngwe e ileng ya mo etsahalla hore a iphumane a le sepetelele;
- Mohlahlobuwa a ka bua ka kamoo a ileng a ikutlwa kateng ha a qala ho kena moahong wa sepetelele.

[50]**1.4 Ho lokile hape ha ho a loka hore baithuti ba etse dithuto tsa bona ka marangrang a ithanete.**

Moqoqong ona mohlahlobuwa o hlahisa mahlakore a mabedi a taba mme o a tshehetsa ka dintlha tse lekanang.

Dikahare tse ka lebellwang e ka ba tsena tse latelang:

- Mohlahlobuwa a ka qoqa ka dintlha tse ka atlehisang moithuti ha a sebedisa marangrang a inthanete ho ithuta.
- A boele a hlahise mathata a ka bakwang ke tshebediso ya marangrang a inthanete ho ithuta.

[50]**1.5 Ebe kolobetso ya nokeng e lokile kapa tjhe?**

Moqoqong ona mohlahlobuwa o kgetha lehlakore la hae mme a le tshehetse ka dintlha tse utlwalang.

Dikahare tse ka lebellwang e ka ba tsena tse latelang:

- Mohlahlobuwa ya dumellanang le sehloho a qoqe ka bohlokwa ba ho kolobetswa nokeng.
- Ya hananang le sehloho sena a bontshe kotsi ya ho kolobetswa nokeng.

[50]

- 1.6 – Moqoqong ona mohlalobuwa o boha setshwantsho mme o iqapela
1.8 sehlooho ka mohopolo wa sehlooho o qholotswang maikutlong a hae.

Dikahare tse ka lebellwang e ka ba tsena tse latelang:

- Moqoqo ona o ka ngolwa ho tswa lehlakoreng lefe kapa lefe, ho latela moelelo oo mohlalobuwa a o fumanang ka setshwantsho.

[50]

MATSHWAO OHLE A KAROLO YA A:

50

Ho tshwaya tema ya boiqapelo

Moqoqo o lokela hore o bonahale hore o tshwauwe wa ba wa Abelwa Matshwao ka tshwanelo. Matshwao a abilweng bakeng sa moqoqo, a lokela a be a le bopaki ba hore o tshwauwe ka nepo.

Ho fapana le kgutsufatso, moo ho nang le dipehelo tsa mantswe tse notlehileng, moqoqo wona ke mosebetsi wa boiqapelo. Haeba moqoqo o phalla malebana le boiqapelo ebile o hapa mmadi, ha se toka ho tsepamisa maikutlo ho bolelele feela ho sa tsotellwe dikahare. Molao o ka sehloohong ke wa hore:

Ha ho na dikotlo tse ding tse ka eketswang kaha ruburiki ka boyona e na le dikotlo tsa yona.

MEFUTA YA MEQOQO

Mefuta ya Ditema	Ditema tsa Phetelo/o hlalolang	Ditema tsa Dinnete	Ngangisano/ o sa nkeng lehlakore (Ditema tse susumetsang)
Sebopeho sa kantsle	<ul style="list-style-type: none"> • Sehlooho • Selelekela • Mmele • Phethelo 	<ul style="list-style-type: none"> • Sehlooho • Dihloohwana • Selelekela • Mmele • Phethelo 	<ul style="list-style-type: none"> • Sehlooho • Selelekela • Mmele • Phethelo
Sebopeho sa seratswana	<p>Mohato/Setepe Moralo wa mantlha o hatellang hodima ditsela tse itseng tsa ho etsa dintho le tsa phetelo tse itshetlehileng hodima tlhahlamano ya diketsahalo ho latela nako.</p> <ul style="list-style-type: none"> • Polelo ya mohopolo wa sehlooho • Dipolelo tsa tlatseso ho bontsha tlhahlamano ya diketsahalo. 	<p>Ketane Dipolelo tse hlahang di latelana di hokahantswe ke polelo e tlang pele.</p> <ul style="list-style-type: none"> • Polelo ya mohopolo wa sehlooho • Dipolelo tsa tlatseso 	<p>Mokolokotwane Mathathama a dingangisano/dinnete tse phaelletseng ho tshheheta ntho e itseng.</p> <p>Botsits'o Ho tshheheta mahlakore ka bobedi ka dingangisano tse lekalekanang mabapi/kgahlanong le nthakgolo, e le ho fana ka tekatekano lehlakoreng ka leng.</p> <p>Ngangisano: Selelekela – nthakemo e hlake Mmele:</p> <ul style="list-style-type: none"> • Polelo ya mohopolo wa sehlooho • Dingangisano tse latelwang ke ditlhaloso <p>Phethelo:</p> <ul style="list-style-type: none"> • Dikgothaletso • Kgutsufatso/phethelo • Ntlhakemo e hlhelle <p>O sa nkeng lehlakore: Selelekela – nthakemo e hlake Mmele:</p> <ul style="list-style-type: none"> • Polelo ya mohopolo wa sehlooho • Dipolelo tse tshhehetsang • Dintlha tse kgahlanong le sehlooho hammoho le mabaka. <p>Phethelo:</p> <ul style="list-style-type: none"> • Dikgothaletso • Kgutsufatso/phethelo • Ntlhakemo e hlhelle
Makgetha (Matswao)	<ul style="list-style-type: none"> • Di re qoqela ka pale e mabapi le motho/batho, sebaka le nako ya diketsahalo. • Di na le mopheti kapa mongodi wa pale. 	<ul style="list-style-type: none"> • Fana ka tsebo kapa tlhahisoleseding ya nnete. 	<ul style="list-style-type: none"> • Di ikemiseditse ho hohela/ho okaoketsa maikutlo kapa diketso tsa mmadi.
Makgetha a puo	<ul style="list-style-type: none"> • Puo ya semmuso kapa eo e seng ya semmuso • Lekgathe lefetile le sebediswa haholo. • Mahokedi a kang kamora, yaba, pele ho moo, pele, kahoo, jj. 	<ul style="list-style-type: none"> • Puo ya semmuso • Lekgathe lelwale le a sebediswa. • Puo e sa bontsheng maikutlo a mongodi • Jakone (puo e sebediswang lekaleng le ikgethileng la tsa mosebetsi.) • Sehlooho sa semmuso 	<ul style="list-style-type: none"> • Puo e tobang taba e a sebediswa. • Puo ya bonono, e kang ya mekgabisopuo. • E hlaha eka e tseba matswalo le ditabatabelo tsa rona kahoo di sebedisa monyetla oo ho okaoketsa maikutlo a babadi. • E hlhisa dikgopolotaba eka ke taba. • ditshwantsho & tshhebediso ya mmala. • Dingangisano tse sekametseng lehlakoreng le le leng.

ELA TLHOKO:

- Sebedisa ruburiki ena e latelang ka nako tsohle ha o lekanyetsa meqoqo.
- Matshwao a 0–50 a arotswe ho ya ka dikgato tse 5 tsa ditlhaloso tsa phihlello.
- Lekgetheng la Dikahare, Puo le Setaele, tlhaloso e nngwe le e nngwe ya phihlello e arotswe habedi ho hlhisa boemo bo hodimo le boemo bo tlase; boemo bo bong le bo bong bo na le tlhaloso ya bona.
- Lekgetha la Sebopeho lona ha le a arolwa ka bokgoni bo nang le boemo bo hodimo le bo tlase.

KAROLO YA A: RUBURIKI YA HO LEKANYETSA MOQOQO – (MATSHWAO A 50) SESOTHO PUO YA LAPENG (HL) – SLKT

Makgetha a ho lekanyetsa	Phihlello e babatsehlang	Phihlello e supang bokgoni	Phihlello e mahareng	Phihlello ya motheo feela	Phihlello e haellang
DIKAHARE LE MORALO Nehelano ya sehlooho: tlhophiso ya mehopolo le dintlha, kelohlolo ya baamohedi ba ditaba, maikemisetsa le maemo	28–30	22–24	16–18	10–12	4–6
	Boemo bo hodimo -nehelano e bontshang kutlwisiso e babatsehlang ya sehlooho e supang bokgoni bo ikgethang -mehopolo e bontsha boqhetseke, e phephetsa monahano, mme ke e sutsiseng e hlophisitse ka tsela e ikgethang/babatsehlang, mme e momahane ka tshwanelo ho kenyelleditse selelekela, mmele le qetelo	-nehelano e ralehileng hantle haholo -mehopolo e tsamaellana le sehlooho ka bottlalo, e a kgahlisa, mme e na le bopaki ba mehopolo e sutsiseng -o hlophisitse hantle haholo, mme o momahane ka tshwanelo ho kenyelleditse selelekela, mmele le qetelo	- nehelano ke e kgotsofatsang diithokeho; - mehopolo e momahane ka tsela e kgotsofatsang le e kgodisang; - o hlophisitse ka tsela e utlwisisehang mme o momahane ka tshwanelo ho kenyeditse selelekela, mmele le qetelo	-nehelano e momahane mona le mane; -mehopolo ke e seng ya boiqapelo, mme e sa hlakang; -ho na le bopaki bo seng bokae ba tlhophiso le momahano ya nehelano	-nehelano e tswile lekoteng hohang; -mehopolo ke e sa tsepamang e dubakaneng; -ha e utlwahale, mme dintlha di a phetakakwa; -ha e a hlophiswa ka tshwanelo le momahano ha e yo.
	25–27	19–21	13–15	7–9	0–3
	Boemo bo tlase - mosebetsi o tswileng matsoho leha o haellwa ke dintlha tse ikgethang tsa moqoqo o babatsehlang; - mehopolo ke e sutsiseng mme e bontsha boqhetseke; - o hlophisitse hantle haholo ka tsela e ikgethang, mme o momahane ka tshwanelo ho kenyeditse selelekela, mmele le qetelo.	- Nehelano e radilweng hantle; - mehopolo ke e loketseng mme ke e thahasellisang - o hlophisitse hantle ka tsela e bontshang bokgoni, mme o momahane ka tshwanelo ho kenyeditse selelekela, mmele le qetelo.	-nehelano e a kgotsofatsa leha e sa hlaka mona le mane -mehopolo e momahane le ho kgodisa ka tsela e mahareng -ho na le tlhophiso le momahano e itseng ho kenyelleditse selelekela, mmele le qetelo	-nehelano boholo e tswile lekoteng -mehopolo ha e a momahana ka tshwanelo, mme e a lahlehisa -nehelano e na le bopaki bo fokolang haholo ba tlhophiso le momahano	-boiteko ha bo yo ba ho arabela sehlooho -mehopolo e tswile lekoteng ka ho phethahala, ha e a nepahala -nehelano ha e a tsepama sehloohong, mme e dubakane
MATSHWAO A: 30 PUO, SETAELE LE TOKISO YA DIPHOSO Sehlo, rejisetara, setaele, tlhotlontswa ke tse lokelang sepheo/tshusumetso le maemo Kgetho ya mantswe Tshebediso ya puo le tlwaelo, matshwao a ho bala le mopeleto	14–15	11–12	8–9	5–6	0–3
Boemo bo hodimo - sehlo, rejisetara, setaele tlhotlontswa di loketse sepheo ka tsela e babatsehlang, baamohedi ba ditaba mmoho le maemo; - tshebediso ya hae ya puo e a ikgetha, mme e bontsha boitshapo ka tsela e tsotshang - o sebedisitse sehlo se sefutho mme se susumetsang ka tsela e ikgethang - o batla o hloka diphoso tsa puo le tsa mopeleto; - o radilwe ka bokgoni bo tsotshang haholo.	- sehlo, rejisetara, setaele le tlhotlontswa di loketse sepheo, baamohedi ba ditaba mmoho le maemo haholo; - tshebediso ya puo e matla mme ho sebedisitse sehlo se loketseng ka nako tsohle; - boholo ba mosebetsi ha o na diphoso tsa tshebediso ya puo le mopeleto; - o radilwe hantle haholo.	-sehlo, rejisetara, setaele le tlhotlontswa di loketse sepheo, baamohedi ba ditaba mmoho le maemo -tshebediso ya puo ke e loketseng, mme e fetisa moelelo ka tshwanelo -puo ya bonono ke e loketseng, mme e sebedisitse ka tshwanelo -sehlo se sebedisitse ka tshwanelo: -o radilwe ka tsela e mahareng feela	-sehlo, rejisetara, setaele le tlhotlontswa ha di a lokela sepheo, baamohedi ba ditaba mmoho le maemo -puo e sebedisitse feela ka tsela ya motheo -sehlo mmoho le moelelo o hlahiswang ke tema ke tse sa lokelang -ho sebedisitse tlhotlontswa ya motheo feela	-puo e sebedisitse ha se e utlwisisehang -sehlo, rejisetara, setaele le tlhotlontswa ha di a lokela baamohedi ba ditaba, sepheo le maemo -tshebediso ya tlhotlontswa e haellang haholo hoo nehelano e sa utlwisisehang	
13	10	7	4		
Boemo bo tlase - tshebediso ya puo ke e matla mme e loketseng maemo - o batla o hloka diphoso tsa puo le tsa mopeleto; - o radilwe ka bokgoni bo tsotshang.	- tshebediso ya puo ke e nepahetseng, mme e susumetsang sehlo sa tema - sehlo ke se matla mme se loketseng; - ho na le diphoso tse seng kae tsa puo le tsa mopeleto; - o radilwe hantle.	-tshebediso ya puo ke e kgotsofatsang leha ho na le ho se tsamaellane mona le mane -Ka kakaretso sehlo ke se loketseng leha puo ya bonono e le e haellang	-puo ke ya motheo feela, mme e sebedisitse ka tsela e haellang -popeho ya dipolelo ke e tshwanang e se nang motswako -tlhotlontswa e haella haholo feela		
MATSHWAO A: 15 SEBOPEHO Makgetha a tema: popeho ya dipolelo le kgodiso ya diratswana.	5	4	3	2	0–1
Boemo bo hodimo -kgodiso ya sehlooho ke e babatsehlang -katoloso ya mehopolo ya sehlooho ke e ikgethang -dipolelo le diratswana di bopilwe ka tsela e ikgethang	- mehopolo ke e hodisang sehlooho ka tshwanelo - momahano e bopilweng ke e supang bokgoni; - dipolelo le diratswana di bopilwe hantle haholo	- mehopolo ke e loketseng e hodisangsehlooho ka tsela e mahareng - dipolelo le diratswana di bopilwe hantle; - moqoqo o ntse o hlahisa moelelo.	-e meng ya mehopolo ke e utlwahalang -dipolelo le diratswana di na le diphoso -moqoqo o a utlwisiseha leha o le diphoso tse itseng	- mehopolo ya bohlokwa e a haella -dipolelo le diratswana tse hlahiswang ke tse fosahetseng -moqoqo ha o na moelelo o lebeletsweng	

SENOTLOLO SA HO TSHWAYA:

Makgetha a tekanyetso	Matshwao	Senotlolo
Dikahare le Moralo	30	DM =
Puo le Setaele le Tokiso ya diphoso	15	PST =
Sebopeho	05	Seb =
Matshwao ohle	50	

KAROLO YA B: DITEMA TSA KGOKAHANO**Ho tshwaya tema ya boiqapelo**

Tema ya kgokahano e lokela hore e bonahale hore e badilwe le ho tshwauwa ya ba ya abelwa matshwao ka tshwanelo.

Ho fapana le kgutsufatso, moo ho nang le dipehelo tsa mantswe tse notlehileng, tema ya kgokahano yona ke mosebetsi wa boiqapelo. Haeba tema e phalla malebana le boiqapelo ebile e hapa mmadi, ha se toka ho tsepamisa maikutlo ho bolelele feela ho sa tsotellwe dikahare. Molao o ka sehloohong ke wa hore:

Ha ho na dikotlo tse ding tse ka eketswang kaha ruburiki ka boyona e na le dikotlo tsa yona.

POTSO YA 2**2.1 Lengolo la setswalle****Sebopelo**

- Aterese e nngwe, ya mongodi, mme e ngolwa e qala hodimo bohareng ba leqephe ho tloha tsohong le letshehadi ho ya ho le letona;
- Aterese e ngolwa ka mokgwa wa boloko; ha ho ngolwe matshwao a puo, ntle le ha ho sebedisitse aterese ya lebokoso la poso;
- Aterese ya moamohedi (ya ngollwang) ha e hlahiswe mofuteng ona wa lengolo;
- Kamora mohla ho tlole mola, ebe ho tla tumedisiso;
- Seratswana sa selelekela se lokela ho ba sekgutshwanyane;
- Mmele wa lengolo o ahwe ka diratswana tse seng kae;
- Qetelo ya lengolo ke e kgutshwane ka tlwaelo, mme e phethela ditaba;
- Lengolong la setlwaedi ha ho hlokehe hore o ngole fane ya hao.

Dikahare tse ka lebellwang:

- Mohlahlobuwa o ngola lengolo ho tshedisa ngwanabo ya nketsweng mokotlana wa diphahlo le tjelete ke dinokwane.

[25]**2.2 Lengolo le yang koranteng****Sebopelo**

- Diaterese di pedi;
- Ka hodima aterese ya mongodi ho ngolwa lebitso la mongodi. Le ntano latelwa ke aterese ya mongodi. Ho nto latela *letsatsi*, *kgwed* le *selemo*, feela jwalo ka lengolo la setlwaedi;
- *Aterese ya ya ngollwang* (moamohedi) e ngolwa ka letsohong le letshehadi. Aterese ya moamohedi e etellwe pele ke maemo a tshebetso a ya ngollwang, ebe ho latela aterese ya hae ka botlalo.
- Tlasa aterese ho ngolwe tumedisiso.
- Tlasa tumedisiso ho ngolwa *mola wa sehlooho* – o totobatsang sepheo sa lengolo leo

- Kamora mola wa sehlooho ho ngolwa seratswana sa selelekela seo e leng ntshetsopelo ya ditaba.
- Ho feta mona seratswana se seng le se seng ke se matlafatsang mahlakore a fapaneng a taba eo ho buuwang ka yona. Ho siuwe mola pakeng tsa diratswana.
- Qetellong mongodi a ka nna a sebedisa lebitso la boikgakanyo mohl. ya kgathatsehileng jj.
- Ya ngolang lengolo o lokela ho saena pele, a nto ngola lebitso la hae ka botlalo ka tlase.

Dikahare tse ka lebellwang:

- Mohlahlobuwa a totobatse maikutlo a hae ka tlhokeho ya mosebetsi ho batjha ba naha ena.
- A ka boela a fana ka tharollo mabapi le qaka ena.

[25]

2.3 **Atikele e yang makasineng**

Ena ke tokomane ya dikgokahano e yang makasineng.

Sebopeho

- Atikele e ba le sehlooho se matla se bileng se hohelang mahlo a mmadi;
- Lebitso la moqolotsi wa ditaba le ngolwa ka hodima seratswana sa pele;
- E arolwa ka dikholomo tse bopilweng ka diratswana tse kgutshwane;
- Ditaba di hlahiswa ka sebopeho sa phiramiti/fanele.

Dikahare tse ka lebellwang:

Mohlahlobuwa a hlahise ngongoreho ya hae ka bana ba emang ditsheng tsa mabenkele le ho kopa tjelete matlong.

[25]

2.4 **Nalane ya bophelo ba mofu (Obitjhuari)**

Ena ke tema eo ho yona ho ngolwang ditaba tse amanang le mofu.

Sebopeho

- Mabitso a mofu : Mofu ke mang le batswadi ba hae.
- Tlhaho ya hae: Letsatsi, kgwedi, selemo le sebaka sa tswalo.
- Tsa kgolo: Dithuto, mosebetsi, lenyalo le bana.
- Tsa Lefu: Sesosa, letsatsi, kgwedi le selemo sa ho hlokahala.
- Mabalalo: Bao a ba siyang.
- Seboko sa habo

[25]

2.5 **Raporoto ya semmuso**

Raporoto ke tokomane e ngolwang ha ho tlalehwa ketsahalo e itseng.

Sebopeho

Dihloohwana tse ka sebediswang ho ngola raporoto e ka ba tse latelang:

- Motho kapa batho bao raporoto e lebisitsweng ho bona.
- Sehlooho sa raporoto.
- Ditaba kapa dintlha tseo ho tlalehwang ka tsona.
- Mokgwa wa tshebetso.
- Ditlahiso/ditshisinyo, mohla le sikenetjhara.

[25]

2.6 Inthaviu e ngolwang

Ke tsela e nngwe ya puisano. Ke puisano e ikgethang dipakeng tsa batho ba babedi kapa ho feta. E mong o tla botsa dipotso mme e mong a mo arabe ka ho fana ka tlhahisoleseding e itseng.

Sebopelo

- Lebitso la sebui le ngolwa ka letsohong le letshehadi la leqephe mme le latelwe ke letshwao la kgutlopedi.
- Mmotsi o nehelana ka tlhahisoleseding e amanang le sepheo sa puisano.
- Mmeleng mmotsi o botsa mmotsuwa dipotso tse itshetlehileng ka ho hatjwa ha makoloi ka dikgoka ho seng ho jele setsi mme mmotsuwa o araba dipotso tsena.

Dikahare tse ka lebellwang:

- Mohlahlobuwa a fane ka sepheo sa inthaviu e leng ho botsa letona la sepolesa ka boshodu bo jeleng setsi ba makoloi.
- A hlahise maikutlo a hae ka ketsahalo ena.

[25]**MATSHWAO OHLE A KAROLO YA B:****50****MATSHWAO OHLE A PAMPIRI ENA:****100**

KAROLO YA B: DITEMA TSA KGOKAHANO**ELA TLHOKO:**

Sebedisa ruburiki ena e latelang ka nako tsohle ha o lekanyetsa ditema tsa kgokahano.

Matshwao a 0–25 a arotswe ho ya ka dikgato tse 5 tsa ditlhaloso tsa phihlello.

RUBURIKI YA HO LEKANYETSA TEMA YA KGOKAHANO – SESOTHO PUO YA LAPENG [MATSHWAO A 25]

Makgetha a ho lekanyetsa	Phihlello e babatsehang	Phihlello e supang bokgoni	Phihlello e mahareng	Phihlello ya motheo feela	Phihlello e haellang
DIKAHARE, MORALO LE SEBOPEHO (Nehelano le mehopollo) Ho rala, ho hlophisa mehopollo Kelohlolo ya maikemisetso, baamohedi ba ditaba le matshwao/makgetha a tema le maemo MATSHWAO A: 15	13–15 -Nehelano e babatsehang ya sehlooho e supang bokgoni bo ikgethang -Mehopollo e matla e sutsitseng -Tsebo e batsi ya makgetha a mofuta ona wa tema -Nehelano ha e kgere e tsepame sehloohong -Mehopollo le dikahare ke tse momahaneng, tse hlalositsweng ka botebo, mme dintlha di tshhetsa sehlooho -Dintlha tsohle di tshhetsa sehlooho, mme di hlalositse ka botebo -Sebopeho ke se nepahetseng	10–12 -Nehelano e ntle haholo e bontshang tsebo e ntle ya makgetha a mofuta ona wa tema -Nehelano ha e kgere e tsepame sehloohong -Mehopollo le dikahare ke tse momahaneng, tse hlalositsweng ka botebo, mme dintlha di tshhetsa sehlooho -Sebopeho ke se loketseng se nang le diphoso tse itseng	7–9 -Nehelano e lekaneng e bontshang tsebo ya makgetha a mofuta ona wa tema -Nehelano e na le tsepamo e itseng feela sehloohong mme ho na le ho kgera ho itseng -Mehopollo le dikahare di na le momahano e amohelang -Ke dintlha tse itseng feela tse tshhetsang sehlooho -Ka kakaretso sebopeho ke se loketseng emp'a se nang le diphoso tse mmalwa	4–6 -Nehelano ya motheo e bontshang tsebo ya makgetha a itseng feela a mofuta ona wa tema -Nehelano ha e a tsepama sehloohong ka ho phethahala mme e a kgera -Mehopollo le dikahare ha se ka mehla di momahaneng -Sehlooho se tshhetswa ke dintlha tse itseng feela -Sebopeho se fofo feela, mme se na le bohlotso bo boholo	0–3 -Nehelano e totobatsa kgaello ya tsebo ya makgetha a mofuta ona wa tema -Moelelo o nyotobetswa ke ho kgera ho hoholo -Mehopollo le dikahare ha di na momahano -Ke dintlha tse mmalwa haholo tse tshhetsang sehlooho -Ha ho na boiteko bo entsweng ho sebedisa sebopeho se nepahetseng
PUO, SETAELE LE TOKISO YA DIPHOSO Sehalo, rejistara, setaele, maikemisetso, baamohedi ba ditaba le maemo. Tshebediso ya puo, tlwaelo ya tshebediso ya puo, kgetho ya mantswe, matshwao a puo le mopeleto. MATSHWAO A: 10	9–10 -Sehalo, rejistara, setaele le tlotlontswe di loketse maikemisetso, baamohedi ba ditaba le maemo ka tsela e babatsehang -Tshebediso ya puo e nepahetse ebile e bopahile hantle haholo -Nehelano ha e na diphoso	7–8 -Sehalo, rejistara, setaele le tlotlontswe di loketse maikemisetso, baamohedi ba ditaba le maemo hantle -Ka kakaretso tshebediso ya puo ke e nepahetseng e bileng e bopahile hantle -Tshebediso ya tlotlontswe e ntle haholo -Nehelano boholo ha e na diphoso	5–6 -Sehalo, rejistara, setaele le tlotlontswe di loketse maikemisetso, baamohedi ba ditaba le maemo -Nehelano e na le diphoso tse itseng tsa tshebediso ya puo -Tshebediso ya tlotlontswe ke e lekaneng -Diphoso ha se tse nyotobetsang moelelo	3–4 -Sehalo, rejistara, setaele le tlotlontswe di loketse maikemisetso, baamohedi ba ditaba le maemo hanyane -Tshebediso ya puo e fosahetse ebile e tletse diphoso tse ngata -Tshebediso e seng kae ya tlotlontswe -Moelelo o nyotobeditswe	0–2 -Sehalo, rejistara, setaele le tlotlontswe ha di dumellane le maikemisetso, baamohedi ba ditaba le maemo -Nehelano e tletse diphoso e dubakane -Tlotlontswe ha e dumellane le maemo -Moelelo o nyotobeditswe haholo

SENOTLOLO SA HO TSHWAYA:

Makgetha a Tekanyetso	Matshwao	Senotlolo
Dikahare, Moralo le Sebopeho	15	DMS =
Puo, Setaele le Tokiso ya diphoso	10	PST =
Matshwao ohle	25	